



Broj: 13-11-4-12197/25
Sarajevo, 19.01.2026. godine

Na osnovu člana 70. stav (4) Zakona o javnim nabavkama ("Službeni glasnik Bosne i Hercegovine" broj 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javnu nabavku roba, radova i usluga, Općinska načelnica d o n o s i

ODLUKU o poništenju postupka javne nabavke

I

Poništava se postupak javne nabavke „Monitoring saniranih i umirenih klizišta“.

II

Za izvršenje ove Odluke zadužuje se Služba za zajedničke poslove.

III

Odluka o poništenju postupka javne nabavke objavit će se na web stranici www.novosarajevo.ba, u skladu sa članom 70. stav (6) i članom 71. Zakona o javnim nabavkama Bosne i Hercegovine.

Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinske načelnice broj: 13-11-4-12197/25 od 02.12.2025. godine.

Procijenjena vrijednost javne nabavke sa PDV-om je: 130.000,00 KM (slovima: stotinutridesethiljada i 00/100 konvertibilnih maraka).

Obavještenje o javnoj nabavci broj: 935-1-2-229-3-327/25 objavljeno je na Portalu javnih nabavki dana 23.12.2025. godine.

Komisija za javnu nabavku roba, radova i usluga je imenovana Rješenjem Općinske načelnice broj: 01-30-5-5935/25 od 09.07.2025. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da je do dana 13.01.2025. godine, pristigla ponuda sljedećeg ponuđača:

Red. Br.	Naziv i sjedište ponuđača	Ukupna ponuđena cijena sa PDV-om
1.	ZEDIS d.o.o. Zenica	129.519,00 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Ponudu ponuđača ZEDIS d.o.o. Zenica Komisija je ocijenila kao **neprihvatljivu** iz sljedećih razloga:

Tenderskom dokumentacijom u tački 7.4.1. a) zahtijevano je: „*uspješno iskustvo u realizaciji najmanje 1 (jednog) ugovora, čiji su karakter i kompleksnost slični onima koji se odnose na predmetni ugovor, a koji se odnosi na geodetsko osmatranje klizišta, u posljednje 3 (tri) godine računajući od dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine, a čija vrijednost mora biti minimalno 80.000,00 KM sa PDV-om.*“

U cilju ispunjavanja navedenog uslova ponuđači su bili dužni dostaviti sljedeće:

„**DOKAZ ZA a1):** Spisak uspješno realizovanih ugovora čiji su karakter i kompleksnost slični onima koji se odnose na predmetni ugovor, a koji se odnosi na geodetsko osmatranje klizišta. (**Dokument 3).**

DOKAZ ZA a2): 1 (jedna) potvrda o uspješnoj realizaciji ugovora, čiji su karakter i kompleksnost slični onima koji se odnose na predmetni ugovor, a koji se odnosi na geodetsko osmatranje klizišta, a čija vrijednost mora biti minimalno 80.000,00 KM sa PDV-om. (**Dokument 4).**“

Ponuđač ZEDIS d.o.o. Zenica je u cilju ispunjavanja uslova iz tačke 7.4.1. a) tenderske dokumentacije dostavio Potvrdu o uspješnom ispunjenju ugovorenih obaveza izdatu od strane JP Elektroprivreda Bosne i Hercegovine d.d. Sarajevo dana 28.03.2025. godine, a koja se odnosi na uspješnu realizaciju 3 (tri) ugovora o geodetskom osmatranju klizišta Kukovi za potrebe Podružnice Hidroelektrane na Neretvi Jablanica i to kako slijedi:

- OS-1/22HEN-1 od 09.02.2022. godine, zaključen na iznos od 29.850,00 KM bez PDV-a, sa realizacijom ugovora od 07.02.2023. godine;
- OS-1/22HEN-2 od 23.02.2023. godine, zaključen na iznos od 29.550,00 KM bez PDV-a, sa realizacijom ugovora od 30.09.2024. godine;
- OS-1/22HEN-3 od 29.02.2024. godine, zaključen na iznos od 29.550,00 KM bez PDV-a, sa realizacijom ugovora od 28.02.2025. godine;

Iz iznad navedene potvrde je vidljivo da ponuđač ima uspješno iskustvo u realizaciji 3 (tri) ugovora, čija pojedinačna vrijednost nije u minimalnom zahtijevanom iznosu od 80.000,00 KM sa PDV-om.

Iz naprijed navedenih razloga, ponuda ponuđača ZEDIS d.o.o. Zenica se nije mogla uzeti u dalje razmatranje.

Komisija za javne nabavke roba, radova i usluga je jednoglasno predložila Općinskoj načelnici da u skladu sa odredbama člana člana 69. stav (2) tačka d) Zakona o javnim nabavkama donese Odluku o poništenju postupka javne nabavke, jer nijedna od primljenih ponuda nije prihvatljiva.

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav (2) tačka d) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka. Naknada za pokretanje žalbenog postupka plaća se u korist budžeta institucija Bosne i Hercegovine i međunarodnih obaveza Bosne i Hercegovine, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole



i povrata naknada propisanih članom 108. Zakona o javnim nabavkama BiH („Službeni glasnik BiH“ broj: 61/24).

OPĆINSKA NAČELNICA

Prof. dr. Benjamina Karić



DOSTAVLJENO:

- ZEDIS d.o.o. Zenica

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickipostlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



